

加潤澤惠洒衆生

五願星辰與天齊光轉燭照耀明映十方各

安其位經緯直行保鎮家國無有災傷四

海寧一普天興昌

六願四時隨節推遷景氣和調無有災患疫

每消滅普天安平五穀豐熟國富民歡

七願浮雲結炁衆煙飛空高澄陰覆玄玄隱

則無爲散則彌天神仙同居結友衆真惠

流一切興國愛民普濟群生人同劫年

八願風雨洒潤無窮普加施泄受其發揚萬

物滋生國儲民豐

九願五嶽各安其方巍巍包藏長爲仙宮安

鎮國祚保天無終護度一切莫不仰宗

十願江海蕩蕩無極含容恢廓無細不植淵

奧柔惠潤加孺息天人獲慶年同劫石

十一願帝王國主日昌四鎮安睦兵革不揚

天人歌唱吉應來翔教濟濟成化揚揚

先庶稱慶長樂未央

十二願壇飛蠢動已生未生成蒙安全普得

生成皆見元氣受陽之形草木果林經冬

不零一切濟度靡不詳榮和與道合真

存神燒香

香官使者左右龍虎君侍香諸靈官當令臣

朝行道之所自然生金液丹碧芝英百靈

衆具交會在此香火爐前令臣學道得道求

仙得仙齊官蒙福幽顯沾恩十方仙童玉女

接侍香煙傳臣向來所啓之誠速達徑御

太上元極大道至真玉皇上帝御前

出堂頌

引至幕

謝師尊

奉回向

靈寶領教濟度金書卷之一百二十四

靈寶領教濟度金書卷之一百二十五

洞微高士關光啟苦真人靈金具授

靈寶通玄弘教水南先生林靈真編

科儀立成品度星曆月

晚朝行道儀

燒香頌

各禮師存念如法

五星高耀瑞炁飛浮元始集神天地交周

玉符寶節嘯命微幽擲火揚威奸山無留

萬魔振伏紛葩卻消摧怪伐惡道炁周流

神光照夜陰翳俱收萬仙降格扇景衆聽

群生咸遂惠過神州和與道合真

鳴法鼓二十四通

无上三天玄元始三炁太上道君召出臣等

身中三五功曹左右官使者侍香金童傳言

散花玉女五帝直符直日香官各三十二人

出出者嚴裝關啓玄壇天帝神君當召此間

土地里域真官正神急上關啓臣今奉爲入

齋意以今落景陸壇行道願得玉清道炁靈

寶妙光下降流入臣等身中今臣所啓之誠

連達徑御

太上无極大道至真玉皇上帝御前

請稱法位

具位臣某與臨壇官眾等謹同誠上啓

虛无自然元始天尊无極大道太上道君太上老君高上玉皇十方已得道大聖眾至真諸君丈人三十二天帝君玉虛上帝玉帝大帝東華南極西靈北真玄都玉京金闕七寶瓊臺紫微上官靈寶至真明皇道君三十六部專經玄中大法師上相上宰上保上傳太平下教二十四真人西城總真王君大元真人東嶽上卿司命茅君定錄保命二真人名山洞府得道神仙三界官屬一切真靈巨闡翠鸞鳴七寶之林紫霄御炁朱寶輝五明之座丹谷凝真七經洞妙於神機八緯混茫於聖化大矣虛無之祖妙哉靈寶之宗高拱彌高上極無上自帝師湛八員之惠露故仙真扇三洞之仁風出有入無道肆彰於瓊笈開幽濟顯敬斯煥於琅函萬劫攸宗千靈共仰臣等玄樞快覩道紀欣承莫葆粹於林泉面

墻凜凜尚和光於埃壘入室悠悠退堅補過之心進勵立功之志意天育物體道度生凡有皈投敢忘關告晚朝心詞謹當跪奏

宣詞

按如詞旨備禪忱悔齋主某顛天激越扣地凌兢哀三生骨肉之親條九死形神之隔須緣泫恚遂惹沉痾採神藥而弗靈抱聖著而自嘆膏之上育之下開死戶以幽幽衛之後榮之前迷生門而寂寂魂歸廣漠魄逐沈寥三思愼集於陽庭寧無悔悟百感鍾情於陰域諒望超昇敢殫赤素之忱庸扣紫清之籙載觀寶典遙睇璇霄稟形既藉於神輝度命宜陶於恩紀壇崇拱日齊按度星俾回一性之真為懺萬形之咎紫煙縹緲飛百和於鸞篝丹焰燦煌燦千枝於鳳炬奏鈞天之廣樂雨大地之寶華圓壁周羅方縉列英輅龍臺於紫極雲路無塵騃虬乘於碧虛霄衢有耀重疊方寸之構仰輝咫尺之威觀沛天恩為寬地禁以今晚朝陞壇行道請法眾等連茲初捨上香

願此香煙騰空徑上供養

无上至真道寶臣等皈身皈神皈命首體投地仰依

太上三尊願以是功德上祝

宗祧先聖社稷尊靈伏願觀妙始青凝真太素乘玄龍而遠汎流慶皇基齡未鳳以上征輔元帝所

皇帝三皇齊聖五帝同仁垂衣而式九圍車

書拱極朝元而來萬國玉帛充庭福源符東海之深壽域等南山之峻青宮仁孝形掖徽

柔槐檉篤行忠貞紀靈臺之績柳營龍旅威

聲騰月塞之勳今故燒香自皈依

師尊大聖眾至真之德得道之後保天長存

和與道合真

以今晚朝陞壇行道請法眾等連茲二捨上

香

願此香煙騰空徑上供養

无上至真經寶臣等皈身皈神皈命首體投地仰依

太上三尊願以是功德奉祝齋主家九玄七

祖五族六親伏願偃月怡神明霞高步詣玄
都而聽法朱火登名游碧玉以聞經青華觀
聖益茂芬猷之潤水揚世澤之長齊主其視
復優閑澄神邁逸朱顏綠鬢坐希寶桂之輝
華翠幌珠屏行映莊椿之悅茂名列五靈之
簡身膺子善之書七葉連榮一枝挺秀今故
燒香自皈依
師尊大聖眾至真之德得道之後升入無形
和與道合真

香
願此香煙騰空徑上供養
无上至真師寶且等皈身皈神皈命首體投
地仰依
太上三尊願以是功德歸流溥天率土內宇
外寰三農四民六軍萬姓山林隱士湖海高
人披拂玄雲融怡道日耕食鑿飲歌帝力以
優游雨笠煙蓑襲天和而遐逸巾箱富詩書
之潤丹車贏金帛之饒極天覆地載之區悉
為禹迹適日照月臨之境靈屬堯禪慕冠帶

之華風脫纒束之汚俗漱流枕石考槃精進
於無為釣月耕雲出岫扶持於有路今故燒
香自皈依
師尊大聖眾至真之德得道之後長享自然
和與道合真

禮方
儀方
步虛
三啓
三禮
重稱法位

其位且與臨壇官眾等謹重誠上啓
虛无自然元始天尊无極大道太上道君太
上老君高上玉皇十方已得道大聖眾至真
諸君丈人三十二天帝君王虛上帝玉帝大
帝東華南極西靈北真玄都玉京金闕七寶
瓊臺紫微上宮靈寶至真明皇道君三十六
部尊經玄中大法師上相上宰上保上傳太
平下教二十四真人西城總真王君大元真
人東嶽上卿司命茅君定錄保命二真人名

山洞府得道神仙三界官屬一切真靈臣聞
一元疑妙融萬象於虛无五大開光育群生
於混洞御運而包羅經緯提封而囊括玄黃
道日昭明玉宇浮沉於空際其風披拂金書
隱顯於人間皆由元始之神輝悉稟虛無之

祖炁津梁生死柱石人天自三錄之興行與
九幽之流演膏雨潤炎地之爽陽輝開寒域
之和拓生意以無垠敷仁心而莫極凡伸歸
戴更籍陶鑄以今玄壇所度亡故其切慮生
戴一星命陶七緯唱恭奏敬諾順合尊貴於
天具取死壤離本根乃驅馳於人偽目貪翫
徹耳亂宮商玩好紛於心田馨香來於鼻觀
口耽滋味身慕輕肥惟知猿馬之騰驥豈念
兔鳥之迅速心業網步步塵機三元水火
之推研六洞陰陽之考校北鄴慘戚東岱幽
宋致注訟之潛輿或考殃之滋至匪由儻條
曷遂超凌對揚御座之端嚴幸諸人願申錫
龍符之輝煥願暢天光勅地水之法曹勒山
川之憲吏焚茲罪錄釋彼冤書鬼官送迎度
上南宮之境神鄉落滅徑朝北闕之都衣食

自然形神太定故不交於春序注殃永息
於家庭齋主某合家大小天錫龜齡神扶鴻
社三官月皎行藏無撓於三仇五氣春融動
靜莫繁於五累衍芳猷於百世鍾餘慶於一
門中外泰然公私咸若允拜生成之造敢志

化育之恩上願覆載清寧日星輝潤風雨調
順夷夏熙平疫癘潛蹤物物遂天機之性鬼
秋滅爽生生蒙化治之仁澤被萬象惠草
木變幽關之刀劍鬱鬱春林化冥路之炎涼
遲遲溫圃千靈有喜一忝無私則上明

天尊大慈之化下副巨等皈命之誠謹啓以
聞

舉願

存神燒香

香官使者左右龍虎君侍香諸靈官當令巨
晚朝行道之所自然生金液丹碧芝英百靈
眾真交會在此香火爐前今臣學道得道求
仙得仙齋主受福幽顯沾恩十方仙童玉女
侍衛香煙傳臣向來所啓之誠速達徑御
太上无極大道至真玉皇上帝御前

出堂頌

回靜默

謝師

回向

靈寶領教濟度金書卷之一百二十五



靈寶領教濟度金書卷之一百二十六一百三十

洞微高士開光授苦真人寶金具授

靈寶通玄弘教水南先生林靈真編

科儀立成品度星齋用

謝恩醮儀

衆官序立

陞壇如式

燒香頌

各禮師存念如法

衛靈呪

五星列位 煥鎮五方 始皇護魂 丹老衛形

皓靈侍魄 黑帝攝生 中央黃帝 統御萬真

元皇詰下 幽夜開光 罪消北府 名列南昌

金錄定籍 玉宇除殃 朱陵煉質 飛神太蒼

三官九府 无極神鄉 普受闡度 上生天堂

和與道合真

鳴法鼓二十四通

无上三天玄元始三炁太上老君召出臣等

身中三五功曹左右官使者侍香金童傳言

散花玉女五帝直符直日香官各三十二人